



J.P. MEĐUNARODNI AERODROM "SARAJEVO" D.O.O.

Kurta Schorka 36, 71210 Sarajevo, Bosna i Hercegovina

Registrovano kod. Općinski sud Sarajevo, MBS 65-01-0419-11; JIB: 4200068970001; Carinski broj: 200068970001
RAČUN: 3387302205238447; UniCredit banka d.d. Mostar; BiH

Vrsta dok.	Izdavač
DOP	5 01

Strana:
1 od 1

Broj protokola: 05-1-25-1-3756-19/24	JAVNO
--------------------------------------	-------

DATUM: 06.02.2025. god.

PRIMALAC: HORTICAL d.o.o. Konjic
NINE-PROM d.o.o. Visoko
JP ILIDŽA d.o.o. Sarajevo
DRVOPROX d.o.o. Sarajevo

PREDMET: Obavijest o izboru ponuđača u postupku radova: Čišćenje pojasa oko zaštitne ograde aerodromskog kompleksa od drveća i drugog rastinja

VEZA:

Poštovani,

Na osnovu člana 71. Zakona o javnim nabavkama ("Sl. glasnik BiH", br. 39/2014, 59/2022 i 50/2024), obavještavamo vas da je, nakon okončane procedure prikupljanja ponuda za nabavku: Čišćenje pojasa oko zaštitne ograde aerodromskog kompleksa od drveća i drugog rastinja, provedene metodom Konkurentski zahtjev, na prijedlog Komisije za provođenje postupka nabavke, Odlukom Uprave J.P. Međunarodni aerodrom "SARAJEVO" d.o.o. Sarajevo, koja vam se dostavlja u prilogu, prihvaćena ponuda ponuđača HORTICAL d.o.o. Konjic.

S poštovanjem,

v.d. DIREKTOR-a

Sanin Ramezić



DOSTAVLJENO:

1. Ponuđačima
2. Upravi Društva
3. Sektoru za administrativnu podršku
4. a/a

DOP PR 05-00 03 01 Dopis, 1 Izdatje/Rev 0



	Tel	Fax	E-mail
INFORMACIJE	+387/ 33/ 289 100	+387/ 33/ 289 356	info@sarajevo-airport.ba
DIREKCIJA	+387/ 33/ 289 200	+387/ 33/ 289 201	direkcija@sarajevo-airport.ba
OPERATIVNI CENTAR	+387/ 33/ 289 120	+387/ 33/ 766 841	gpo@sarajevo-airport.ba
WEB	www.sarajevo-airport.ba	/	/





UPRAVA

Strana: 1 od 2

Broj protokola:

05-1-25-1-3756-18/25

JAVNO

Datum: 06.02.2025. godine

Na osnovu člana 70., a u vezi sa članom 25. Pravilnika o javnoj nabavci roba, usluga i radova u J.P. Međunarodni aerodrom „SARAJEVO“ d.o.o. Sarajevo i člana 45. Statuta J.P. Međunarodni aerodrom "SARAJEVO" d.o.o. Sarajevo, te Izvještaja i preporuke Komisije za provođenje postupka javne nabavke radova: Čišćenje pojasa oko zaštitne ograde aerodromskog kompleksa od drveća i drugog rastinja, broj: 05-3-25-3756-17/24 od 03.02.2025. god., Uprava J.P. Međunarodni aerodrom "SARAJEVO" d.o.o. Sarajevo, na 13. sjednici, održanoj dana 06.02.2025. god., donosi

ODLUKU

I

Za nabavku radova: Čišćenje pojasa oko zaštitne ograde aerodromskog kompleksa od drveća i drugog rastinja, prihvata se ponuda ponuđača HORTICAL d.o.o. Konjic, broj: 04/25, zavedena na protokol J.P. Međunarodni aerodrom "SARAJEVO" d.o.o. Sarajevo dana 24.01.2025. god., pod brojem: 06-1-25-1-3756-6/24, koji je, nakon provedene e-aukcije, ponudio najnižu cijenu za predmetnu nabavku u iznosu od: 21.500,00 KM (slovima: dvadesetjednahiljadapetstotina KM), bez PDV-a.

II

Izabrani ponuđač je, u roku od sedam radnih dana od dana prijema Obavijesti i ove Odluke o izboru najpovoljnije ponude, dužan u J.P. Međunarodni aerodrom "SARAJEVO" d.o.o. Sarajevo dostaviti:

- originale ili ovjerene fotokopije dokumentacije iz člana 45. Zakona o javnim nabavkama, u skladu sa dostavljenom Izjavom, ne starije od 90 dana od dana dostavljanja ponude;
- novi originalan, popunjen, potpisan i ovjeren Obrazac za cijenu ponude, sa cijenama usklađenim sa konačnom cijenom iz održane e-aukcije.

III

Po proteku rokova za reviziju, uz prethodnu dostavu dokumentacije iz tačke II, Naručilac će izabranom ponuđaču ponuditi zaključenje ugovora o nabavci iz tačke I ove Odluke, kojim će se regulisati međusobna prava i obaveze ugovornih strana.

Obrazloženje

Postupajući u skladu sa članom 18. Zakona o javnim nabavkama, a u cilju izbora najpovoljnije ponude za nabavku radova: Čišćenje pojasa oko zaštitne ograde aerodromskog kompleksa od drveća i drugog rastinja, direktor J.P. Međunarodni aerodrom "SARAJEVO" d.o.o. Sarajevo donio je Odluku o pokretanju postupka nabavke, broj: 05-3-25-1-3756-3/24 od 15.01.2025. god. U skladu sa naprijed navedenom Odlukom, J.P. Međunarodni aerodrom "SARAJEVO" d.o.o. Sarajevo (u daljem tekstu: Društvo) je na portalu javnih nabavki dana 17.01.2025. godine objavilo obavještenje o nabavci, broj: 246-7-3-14-3-10/25, a direktor Društva, Rješenjem, broj: 05-1-25-1-3756-5/24 od 20.01.2025. god., imenovao Komisiju za provođenje postupka.

Do ostavljenog roka za predaju ponuda, 29.01.2025. god., do 12,00 sati, na adresu Društva ponudu su dostavila 4 ponuđača, i to: HORTICAL d.o.o. Konjic, NINE-PROM d.o.o. Visoko, JP Ilidža d.o.o. Sarajevo i DRVOPROX d.o.o. Sarajevo. Na javnom otvaranju ponuda, održanom isti dan u 12,30 sati, uz prisustvo predstavnika ponuđača JP Ilidža d.o.o. Sarajevo i DRVOPROX d.o.o. Sarajevo, pročitani su nazivi ponuđača i ponuđene cijene, i to:

- HORTICAL d.o.o. Konjic: 30.000,00 KM, bez PDV-a;
- NINE-PROM d.o.o. Visoko: 29.960,00 KM, bez PDV-a;
- JP Ilidža d.o.o. Sarajevo: 29.972,00 KM, bez PDV-a i
- DRVOPROX d.o.o. Sarajevo: 30.000,00 KM, bez PDV-a.

Nakon javnog otvaranja ponuda, Komisija se sastala radi detaljne analize ponuda, te je konstatovala sljedeće:

1. Ponuda HORTICAL d.o.o. Konjic

Nakon pregleda ponude u skladu sa članom 65. stav (1), a imajući u vidu da ponuda ispunjava zahtijevano tenderskom dokumentacijom, Komisija je predložila da se ponuda proglasi formalno-pravno, tehnički i računski prihvatljivom.

2. Ponuda NINE-PROM d.o.o. Visoko

Prilikom pregleda ponuda, Komisija zadužena za provedbu nabavke utvrdila je da ponuda nije dostavljena u skladu sa tenderskom dokumentacijom. Naime, u tački 2.1 pod j) tenderske dokumentacije zahtijevana je lista uposlenika koji će biti angažovani na radovima čišćenja i kao dokaz da ponuđač posjeduje odgovarajuću kvalifikacionu strukturu, trebalo je dostaviti listu osiguranika ne stariju od tri mjeseca ili ovjerene kopije ugovora o djelu ili poslovno-tehničkoj saradnji. Međutim, ponuđač je za radnika Samira Porču dostavio obrazac prijave M2 iz PIO/MIO iz 2003. godine, što nije u skladu s navedenom tačkom tenderske dokumentacije.

Imajući u vidu iznad navedeno, a sve u skladu sa članom 2. stav (1) tačka I) Zakona o javnim nabavkama, te članom 68. stav (4) tačka i) Komisija je predložila da se ponuda proglasi nepravilnom i neprihvatljivom.

by ksp

by ksp

Vrsta dok.	Izdavač
ODL	5-01
Strana: 2 od 2	
JAVNO	

3. Ponuda JP ILIDŽA d.o.o. Sarajevo

Nakon pregleda ponude u skladu sa članom 65. stav (1), a imajući u vidu da ponuda ispunjava zahtijevano tenderskom dokumentacijom, Komisija je predložila da se ponuda proglasi formalno-pravno, tehnički i računski prihvatljivom.

4. Ponuda DRVOPROX d.o.o. Sarajevo

Prilikom pregleda ponuda komisija zadužena za provedbu nabavke je utvrdila više nedostataka. Naime, u skladu s tačkom 2.1 pod a) tenderske dokumentacije, zahtijevan je original ili ovjerena kopija Izvoda iz sudskog registra kao dokaz o obavljanju profesionalne djelatnosti. Međutim, ponuđač je umjesto traženog dokumenta dostavio ovjerenu kopiju rješenja o registraciji subjekta, što nije u skladu s postavljenim zahtjevima.

Dodatno, prilikom pregleda dostavljenih obrazaca, utvrđeno je da su isti izmiješani i nisu cjeloviti. Konkretno, dijelovi ANEKS-a I - Obrazac za cijenu ponude nisu pravilno raspoređeni, pri čemu se jedan dio nalazi na stranici ponude br. 18, dok se nastavak istog dokumenta nalazi na stranicama 40, 42 i 44. Ista situacija utvrđena je i kod ANEKSA V - Nacrt ugovora.

Daljnijim uvidom, ustanovljeno je da ponuđač nije popunio i ovjerio Izjavu po članu 45. (ANEKS IV) na način kako je to definisano tačkom 2.1 pod f). Tačnije, ponuđač je izjavu popunio, ali je dio obrasca na kojem je predviđen potpis i ovjera nadležnog organa prešao na drugi list, na kojem je preambula nacrta ugovora. Shodno tome, ista se ne može smatrati potpisanom i ovjerenom, obzirom da je formalno-pravno ovjerena preambula nacrta ugovora, a ne izjava o ispunjavanju uslova iz člana 4.5 Zakona o javnim nabavkama.

Nadalje, potvrda o dobro izvršenom ugovoru nije u skladu s tačkom 2.1 pod h) tenderske dokumentacije, jer je zahtijevan jedan ugovor istih ili sličnih poslova u posljednje tri godine, počevši od dana dostavljanja ponude. Ponuđač je, međutim, dostavio potvrdu u kojoj se navodi datum realizacije "tokom 2022. godine", što implicira mogućnost da je ugovor izvršen i prije traženog perioda, jer je ponuda je dostavljena 29.01.2025. godine.

Prema tački 2.1 pod j) tenderske dokumentacije, zahtijevana je ovjerena kopija certifikata za rukovanje specijalnim vozilom za rad na visini, kao i lista osiguranika kao dokaz da ponuđač posjeduje odgovarajuću kadrovsku strukturu. Međutim, ponuđač je dostavio certifikat na ime Haris Pandžo, dok je uvidom u listu osiguranika utvrđeno da osoba pod tim imenom nije zaposlena kod ponuđača, što je protivno navedenoj tački tenderske dokumentacije.

Imajući u vidu iznad navedeno, a sve u skladu sa članom 2. stav (1) tačka l) Zakona o javnim nabavkama, te članom 68. stav (4) tačka i) Komisija je predložila da se ponuda proglasi nepravilnom i neprihvatljivom.

Nakon prethodnog utvrđivanja formalno-pravne, tehničke i računске ispravnosti, prema ponuđenim cijena je formirana Rang lista prihvatljivih ponuda prije provođenja e-aukcije, i to kako slijedi:

1. JP ILIDŽA d.o.o. Sarajevo, vrijednost ponude u iznosu od 29.972,00 KM bez PDV-a.
2. HORTICAL d.o.o. Konjic, vrijednost ponude u iznosu od 30.000,00 KM bez PDV-a.

Za predmetnu javnu nabavku bila je predviđena e-aukcija, te je ista zakazana i održana, i to dana 03.02.2025. godine, s početkom u 11:00 sati. Nakon okončane e-aukcije, utvrđene su konačne ponuđene cijene, prema kojima je utvrđena i konačna Rang lista, i to kako slijedi:

1. HORTICAL d.o.o. Konjic, vrijednost ponude u iznosu od 21.500,00 KM bez PDV-a.
2. JP ILIDŽA d.o.o. Sarajevo, vrijednost ponude u iznosu od 21.900,00 KM bez PDV-a.

S obzirom na naprijed navedeno, Komisija je utvrdila da je najpovoljnija ponuda ponuđača HORTICAL d.o.o. Konjic, koji je nakon održane e-aukcije ponudio najnižu cijenu za predmetnu nabavku, te je predložila direktoru Društva da se ugovor za nabavku predmetnih radova, u ponuđenoj vrijednosti nakon e-aukcije od 21.500,00 KM, bez PDV-a, dodijeli ovom ponuđaču.

Uprava Društva je na svojoj 13. sjednici, održanoj dana 06.02.2025. god., razmotrila Izvještaj i preporuku Komisije, te je, nakon uvida u provedeni postupak, istu i prihvatila, pa je, na osnovu člana 70. Zakona o javnim nabavkama, a u vezi sa članom 25. Pravilnika o javnoj nabavci roba, usluga i radova u J.P. Međunarodni aerodrom „SARAJEVO“ d.o.o. Sarajevo, donijela Odluku kao u dispozitivu.

POUKA O PRAVNOM LIJEKU: Protiv ove Odluke može se izjaviti žalba Uredu za razmatranje žalbi. Žalba se podnosi putem ugovornog organa - Društva, u pisanoj formi, direktno, elektronskim putem ili preporučeno poštanskom pošiljkom, u 3 (tri) primjerka, i to u roku od 5 (pet) dana od dana prijema Odluke.



Prilog: Zapisnik o pregledu i ocjeni ponuda;

DOSTAVLJENO:

1. Ponuđačima
2. Upravi Društva (orig.)
3. Sektoru za administrativnu podršku
 - Služba nabavke (orig.)
 - Služba za pravne poslove i protokol
4. Sektoru razvoja, tehnike i standardizacije
5. a/a